

# FAKAMAUGA O TŌ IGOA MŌ TE FAIGĀ PĀLOTA FAKA-LOTOIFALE 2019

Ko na faigā palota fakalotoifale e filifili ai e ki tatou na tino e fai ma o tatou hui, ki na Taupulega Fakaitumalo ma na Komiti Fakafoe Ola Malolo. Ko hō he tino ei loto o te Lihi Palota, e mafai ke palota i na faigā palota fakalotoifale. Ko na faigā palota e fakatino i he palota lafo i te meli, ia Oketopa o te tauhaga nei.

Ko na faigā palota e mo na taupulega a na kakai ma na itumalo, na taupulega fakakogāfenua, ma na Komiti Fakafoe Ola Malolo Fakaitumalo. I nā tahi vāega o Niuhihila, ko nā faigā pālota ka fai foki mō nā komiti fakafoe faka-lotoifale mō nā nuku, fakalāpotopotoga mō nā mea tau laihene ma iētahi fakalāpotopotoga.

E manakomia ke fakamau to igoa, kae ke mafai ai koe ke palota ma fai ho leo i na faigā filifiliga fakalotoifale.

E mafai ke fakamau to igoa mo te faigā palota kafai kua 18 o tauhaga pe i luga atu, ko koe ko he tagatānuku Niuhihila pe he tino nofomau, ma kua hili atu i te tauhaga talu te nofo i Niuhihila i he vaitaimi o to olaga.

E kamata mai i te aho 29 Luni, ka lafo atu ai i te puha meli na pepa fakatumu ke fakalelei ai na fakamaumauga, mo na tino uma ei loto o te Lihi Palota, kae ke fakamautinoa ai e tokalahi na tino e vave fakamau o latou igoa mo te faigā palota. Oioti lava tau mea e fai ko te hiaki nā fakamatalaga o koe pe hako. Kāfai e hako e toe manakomia koe ke fai he tahi mea. Kāfai e iei he mea e tatau ke hui, fai nā huiga ma lafo fakavave mai kia te kimātou.

Kafai e pa atu ki te Aho Gafua 8 Iulai e heki maua lava hau pepa fakatumu, ko tona uiga e heki fakamaua to igoa ke palota, pe ko na fakamatalaga agai kia te koe e hē katoatoa. Kafai e fakamau to igoa, pe fakakatoatoa lelei na fakamatalaga kia te koe, e tatau la ke fakatumu hau Pepa Fakamau Igoa fou. Hiaki i te neti **vote.nz** pe **telefoni mai ki te 0800 36 76 56** ke lafo atu hau pepa fakatumu.

Ko na faigā palota e fakatino lava e na taupulega fakalotoifale, ma ko te fakaikuga o Hetema ka lafo atu e kilatou i te puha meli, na pepa palota ki na tino palota uma i te Lihi Palota.

**Kāfai koe e hē fakamaua tō igoa i te Aho Falaile 16 Aukuho e hē mafai ke maua atu foki ni au pepa pālota i te meli.** Kafai e fakamau to igoa i tua mai o te aho tenei, ko koe la e tatau ke talohaga mo ni pepa palota fakapitoa, mai te ofiha fai pālota o te taupulega fakalotoifale i te koga e nofo ai koe.

Mo nietahi fakamatalaga ki te fakamauga o na igoa ki te faigā palota, hiaki ifo te **vote.nz**

Mo nietahi fakamatalaga ki na filifiliga i te faigā palota fakalotoifale, hiaki ifo te **vote2019.co.nz**

